



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : UNITED CHRISTIAN COLLEGE (KOWLOON EAST)

**学校名称** : 汇基书院（东九龙）

**Name of Play 剧名** : 露人甲

**Script writer 剧作者** : 林蔚祺（学生）

**Synopsis 故事大纲：**

本剧记述一名露宿者在码头生活的点滴，从各方面分析露宿者的心路历程。由当初被赶出家门，到在工作场所遇到不公对待，再到露宿街头，本剧记录弱势社群的种种惨况。正当以为生活终于可以稳定下来，却遇着新冠病毒疫情来袭，加上商家突然加快脚步发展商业，主角生活再次推倒重来。遇上突如其来的变化，到底他能够克服困难，还是继续成为社会眼中的路人甲？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**[ 第一场 ]**

地点：观塘码头 (露宿者居住地)

人物：陈芷澄、余凯韵、李显如、辉、俊、强哥

(有班学生等紧船，嘈)

陈芷澄：早晨！（见到另外两个朋友）余凯韵：早晨啊！

李显如：（串嘴）喂好心你啦咁迟！今日冻成咁样仲要我哋喺度等你！

陈芷澄：（尴，干笑）嘻，唔好意思嘍！今日咁冻我离唔开个被窝呀！（笑）俾你两个搞咩呀？一个就用新袋，一个就新鞋，去玩啫，驶唔驶咁晒命法呀你两个。（笑）

李显如：梗系啦！（望）出去玩去影靚相仲唔着对新鞋咩！呢对仲要等日先最新出架！劲呢！（招积）

余凯韵：我就差你少少啦，呢个袋系前日出嘅，我晨咁早去铺头排队先买到架！

陈芷澄：俾你两个...潮流达人，真系唔够你哋嚟呀！（停顿）系嘞，趁未有船到，食个包先。

余凯韵：你不如上到船先食啦，呢排多左咁多人搭船，啲班次密咗咁多，好快有下一班架啦。

陈芷澄：哦咁好啦。但系点解会突然多左人嚟搭船嘅？

余凯韵：咁呢排疫情吓嘛，个个都话咩「要保持空气流通」，咁咪个个都走嚟搭船嘍。

陈芷澄：咁又系，搭船真系舒服好多，起码唔驶贴住人地个背脊。

(学生遇露宿者)

李显如：（揪住个鼻）哇点解突然间咁臭架...俾！点解咁多人脚嚟呢度架！

(嫌弃)

余凯韵：唔知嘞，贪海边够 feel 呱！（笑）

李显如：好心就唔好喺度脚啦！摆啲嘢喺度又阻住条路、又臭！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

陈芷澄：你唔好咁衰啦，佢地可能都系被迫架咋。

李显如：边有得迫架？喇喺度梗系自己拣架啦。

（老鼠经过）

李显如：哗！（大声）点解会有老鼠架！（吓亲，弹起）仲要踩我对鞋！我新买架！（即刻弯腰抹）

余凯韵：肯定系嗰啲人带返嚟架啦。真系好污糟邋遢。（嫌弃）

李显如：唉...（着急）点解抹极都硬系好似唔干净咁架...

余凯韵：喂嗰边仲有只啲！（笑）李显如：唔好吓我啦！

辉：唉！（激气）嘈嘈嘈！嘈咩呀！

陈芷澄：喂喂喂你哋静少少啦，嘈亲人哋喇。咦，有船啦啲！快啲行啦！

余凯韵：行啦！上到船再慢慢抹啦！（嘲笑）

辉：唉！（起身）真系咩！见到有人就唔该静啲啦！识唔识尊重架！

俊：咁你真系遮住咗自己咩嘛！人地点睇到啫。（笑）

辉：（停顿）乜你喺度嘅？你今日放假咩？

俊：系无得捞，唔系放假。（表面轻松、但实质无奈）

辉：你都俾人炒？（惊讶）

俊：有乜咁出奇咩，依家个个都自身难保啦。

辉：（仍然惊讶）系，不过我真系无谗过连你都会俾人炒啲，你老细话晒都系你老死。

俊：依家个个都一定系保自己先架啦，好正常啫。

辉：都系嘅...唔紧要啦！再搵过份啰！我地呢啲...流动性好大架啫！

俊：啱啊。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

辉：咁你打算点啊？hea 吓先再搵呀？

俊：系呀，反正平时都无得啱，趁依家啱返两日先。（停顿）你呢？又望住张相，挂住屋企咪返去啰。

辉：唔返啦，佢哋都唔会想见到我架啦。

俊：点会呀？上次你家姐嚟搵你嘅时候先话你阿妈想见下你，佢都讲到出口啦，你咪返去见下佢啰。

辉：佢唔要我在先嘅，我做乜要去搵佢啫。

俊：好心你啦，难得有个家姐阿妈喺度等你，就返去见吓佢地啦。你估个个都有屋企人等咩。

辉：唉你唔明架喇，佢地根本就系睇我唔起，唔通我仲要返去俾佢串多两句咩。间唔时睇吓张相咪算啰。

俊：你日日睇埋同一张，你估佢地个样唔会变架咩。

辉：咁我系得一张咋嘛，可以点啫？况且呢张影得几好吖，唯一一张齐齐整整，历史遗物嚟啦！（苦笑）

俊：攞嚟睇吓！（辉攞张相递向镜头，俊接，俊睇，停顿）又真系影得几靚嘅...唉你慢慢怀念啦吓！

辉：攞返嚟啦！呢啲嘢我真系要好好保存架。（交接）我返工喇！你慢慢食啦！（着鞋走）

（电话响）

辉：（听电话）喂强哥！我嚟紧架啦！

强哥：（凝重）喂，阿辉，你...你今日唔驶嚟喇。辉：点解呀？今日铺头休息咩？

强哥：er...唔系...（有口难言）er...就咁嘅，我老婆前两日睇过晒呢几个月份账簿，咁就...就...都蚀咗唔少咁  
啰。

辉：哦，咁即系....

强哥：阿辉呀，不如你...你搵过另一份工做啦...我呢度、我呢度都捱唔到好耐架咋。

辉：但强哥，我喺你呢度做咗咁耐，好难话走就走架啲...你都知我咁嘅背景，出面无几个会请我。

强哥：我都知道，咁但系...但系我真系自己都就嚟顾唔掂喇，你都知啦，我仲有小老婆女要养架嘛...

辉：...都系嘅！明架喇！